



TOSHKENT DAVLAT YURIDIK UNIVERSITETI REKTORINING B U Y R U G ' I

09.02.2022 yil

21 um-son

Talabalarni rag'batlantirish to'g'risida

O'zbekiston Respublikasi Prezidentining 2020-yil 3-dekabrdagi "Iqtidorli yoshlarni saralab olish tizimi va akademik litseylar faoliyatini takomillashtirish chora-tadbirlari to'g'risida"gi PQ-4910-qarori, Vazirlar Mahkamasining 2020-yil 31-yanvardagi "Oliy ta'lim muassasalari talabalariga to'lanadigan stipendiyalar miqdorlarini belgilash hamda stipendiyalar tayinlash va to'lash tartibini takomillashtirish chora-tadbirlari to'g'risida"gi 59-son qarori, Toshkent davlat yuridik universiteti rektori (bundan buyon matnda – TDYU)ning 2021-yil 1-iyundagi "Toshkent davlat yuridik universitetida ma'naviy-ma'rifiy yo'nalishda amalga oshirilayotgan ishlarni yanada takomillashtirish hamda yoshlarning iqtidor va intilishlarini qo'llab-quvvatlashni yangi bosqichga olib chiqish to'g'risida"gi 08-143-son buyrug'ida belgilangan vazifalar ijrosini ta'minlash, TDYU rektori tomonidan 2022-yil 7-yanvar kuni tasdiqlangan "Qisqa muddatli qishki ta'til davomida talabalarning bo'sh vaqtlarini mazmunli tashkil etishga qaratilgan chora-tadbirlar rejasi"da belgilangan onlayn tanlovlarda g'olib bo'lgan talabalarni rag'batlantirish, TDYUning nufuzini milliy va xalqaro miqyosda yanada oshirish, faol va iqtidorli talabalarni har tomonlama qo'llab-quvvatlash, ularning safini kengaytirish, ularning darsdan bo'sh vaqtlarini mazmunli tashkil etishda o'zining munosib hissasini qo'shib kelayotgan talabalarni

munosib e'tirof etish hamda Toshkent davlat yuridik universitet Stipendiya komissiyasining 2022-yil 01-fevraldagi talabalarni moddiy rag'batlantirish bo'yicha 1-son yig'ilish bayoniga muvofiq,

BUYURAMAN:

1. Toshkent davlat yuridik universiteti Stipendiya komissiyasining 2022-yil 01-fevral kuni talabalarni rag'batlantirish bo'yicha o'tkazilgan 1-son yig'ilish bayoni ma'lumot va ijro uchun qabul qilinsin.

2. Quyidagilar:

2022-yil 10-24-yanvar kunlari talabalarning qisqa muddatli qishki ta'til davomida bo'sh vaqtlarini mazmunli tashkil etishga qaratilgan chora tadbirlar rejasiga muvofiq, talabalar o'rtasida 21 ta loyiha va tanlovlar yuqori saviyada o'tkazilganligi, unda 2200 dan ortiq talaba-yoshlar ishtirok etganligi;

universitet yuridik klinikasi faoliyatida va "Street Law" loyihasida faol ishtirok etib kelayotgan talabalar o'rtasida muntazam ravishda tanlovlar o'tkazilganligi, mazkur tanlovlar doirasida 300 dan ziyod talabalar ishtirok etganligi;

TDYU qoshidagi akademik litsey o'quvchilari o'rtasida qisqa muddatli qishki ta'til davomida onlayn test tanlovi o'tkazilganligi hamda mazkur tanlovda 300 ga yaqin akademik litsey o'quvchilari ishtirok etganligi inobatga olinsin;

TDYUning bir qator iqtidorli talabalari xalqaro musobaqalarda doimiy ravishda ishtirok etib, universitet nufuzini xalqaro maydonlarda yanada oshirishda o'zining munosib hissasini qo'shib kelayotganligini inobatga olib, ularni bir martalik pul mablag'lari bilan munosib rag'batlantirilsin.

3. Stipendiya komissiyasining 2022-yil 01-fevraldagi 1-son yig'ilish bayoniga muvofiq talabalarni moddiy rag'batlantirish bo'yicha taqdim etilgan taklifiga rozilik berilsin.

4. TDYUda o'tkazilgan loyiha va tanlovlarda g'oliblikni qo'lga kiritgan, xalqaro tanlovlarda munosib ishtirok etib

kelayotgan hamda loyiha va tanlovlarni o'tkazishda koordinator va volontyor sifatida munosib ishtirok etib kelayotgan talabalar ilovaga muvofiq moddiy rag'batlantirilsin.

5. TDYU qoshidagi akademik litsey o'quvchilari o'rtasida huquqning fundamental fanlari bo'yicha o'tkazilgan onlayn test tanlovi g'oliblari quyidagi tartibda rag'batlantirilsin:

1-o'rin - 2-kurs 2-guruh o'quvchisi - Yaminov Jahongirmirzo Jamolovich 400 000 (to'rt yuz ming) so'm miqdorida;

2-o'rin - 2-kurs 4-guruh o'quvchisi - Kozakov Muxammadbobur Qodirjon o'g'li 300 000 (uch yuz ming) so'm miqdorida;

3-o'rin - 2-kurs 5-guruh o'quvchisi - Butayev Behruz Navro'z o'g'li 200 000 (ikki yuz ming) so'm miqdorida.

6. Buxgalteriya (M.Parpiyev) mazkur buyruq ilovasi bilan tasdiqlangan talabalarni moddiy rag'batlantirish bilan bog'liq to'lovlarni Talabalarni rag'batlantirish jamg'armasi mablag'lari hisobidan, 5-bandda belgilangan TDYU qoshidagi akademik litsey o'quvchilari o'rtasida o'tkazilgan tanlov g'oliblarini rag'batlantirish bilan bog'liq xarajatlar universitetning budjetdan tashqari mablag'lari hisobidan to'lab berilishini ta'minlasin.

7. Ma'naviyat va ma'rifat markazi (Sh.Po'lotov) hamda fakultet dekanlari:

rag'batlantirilgan talabalar to'g'risidagi ma'lumotlarni talabalar orasida hamda ijtimoiy tarmoqlar orqali keng targ'ib qilsin;

talabalarni rag'batlantirish bilan bog'liq bo'lgan buxgalteriya hujjatlarini o'z vaqtida buxgalteriyaga taqdim etilishini ta'minlasin hamda saqlanishini nazorat qilsin.

8. Ushbu buyruq ijro nazorati prorektorlar A.Xashimhonov va A.Iminov zimmasiga yuklansin.

Rektor



A.TASHKULOV

Kiritildi:

Direktor

SH.PO'LOTOV



Kelishildi:

Devonxona mudiri

X.ABDULLAYEV



YOshlar masalalari va ma'naviy-
ma'rifiy ishlar bo'yicha prorektor

A.XASHIMHONOV



Rektor yordamchisi

S.IBODULLAYEV



Moliya-iqtisod ishlar bo'yicha
prorektor

A.IMINOV



Bosh buxgalter

M.PARPIYEV



Katta yuriskonsult

E.XOSILOV



Buyruq bilan tanishdim:

SH.PO'LOTOV

